

後

漢

書

疏

證

後漢書疏證卷二十九

吳 沈欽韓撰

涿郡

晉志魏文帝更名苑陽郡地形志言後漢章帝改者誤
 寰宇記黃初七年文帝改苑陽郡追封武帝子矩為王
 按魏志本傳黃初三年追封謚矩為苑陽閔公五年改
 封嗣子敏為苑陽王七年徙封句陽樂史誤續志領戶
 十萬二千
 有餘而魏志崔林傳注今涿郡領戶三千孤寡
 之家參居其半則較漢時不及十分之一也

涿

舊唐志涿州苑陽縣漢涿縣太歷四年幽州節度使朱

希彩奏請于范陽縣置涿州

地形志涿縣有當平城鸞城寰宇記漢西鄉縣故城

在縣西北二十里一名都鄉城水經注巨馬水又東督亢溝水注之東

南流逕迺縣北又東逕涿縣酈亭樓桑里南卽劉備之

舊里又東逕督亢澤其水自澤枝分東逕涿縣故城南

又東逕漢侍中盧植墓南又東散爲澤渚督亢澤也蜀

志先主家涿縣舍東南角籬上有桑樹生高五丈餘遙

望見童童如車蓋往來者皆恠此樹非凡或謂當出貴

人

酒

舊唐志易州涑水縣漢迺縣

隋志涑水舊曰迺縣元和十八年改爲涑水

志易州容城縣隋開皇元年改置迺縣天寶元年改爲

容城

隋志舊范陽居此俗號小范陽開皇初改爲迺

水經注涑水上承故瀆東

南流逕迺縣故城東謂之巨馬河渾塘溝水出迺縣西

白馬山南溪中東南流入濡水濡水東至塞口古累石

堰水處又東得白楊水口出迺縣西山白楊嶺下東南

流入濡水時人謂之虎眼泉濡水東合檀水水出迺縣

西北檀山西南南流與石泉水會石泉固在眾山之內

平川之中四周絕澗石高五丈石上赤土又高一匹固

上宿有白楊寺是白楊山神也

元和志在涑水縣西北三十里

故安

舊唐志易州易縣漢故安縣

隋志易縣有故安縣後齊廢又固安縣舊曰故安開

皇六年改按地形志已作固安元和志隋皇開十六年于漢故城西北隅置易縣涑水自蔚州飛狐縣流入

水經注易水出故安縣閭鄉西山寬中谷逕武陽城南

武陽大城東南小城即故安縣之故城今易水被城東

南隅世又謂易水為故安河武陽蓋燕昭王之所城也

東西二十里南北十七里易水又東逕西故安城南即

閭鄉城也歷送荆陘北耆舊云燕丹饑荆軻于此

寰宇記加

夷城在廢縣西北四十里注水經云巨馬水東流逕加夷山即睽子于山中養無日父母之所輿地形志云易

縣加夷城有坑闊三丈深五尺俗呼睽子窟

晉書石勒記劉琨與段匹磾涉

復辰疾陸眷末杯等會于固安

其時不應為固安蓋史文從後稱

將謀

討勒勒使參軍王績齎金寶遺末杯以問之末杯既思
有以報勒恩又忻于厚賂乃說辰眷等引還段匹碑傳末杯問匹
碑于涉復辰日以父兄而從子弟雖一旦有功
匹碑獨收之矣涉復辰等以為然引軍而還

范陽

通典漢范陽縣故城在易州易縣東南元和志易縣東南六十二里隋

志開皇元年以范陽為道縣水經注易水東分為梁門

更置范陽于涑水八年改 陂水上承易水于梁門東入長城東北入陂陂水北接

范陽陂陂在范陽城西十里方十五里俗亦謂之為鹽

臺陂陂水南通梁門淀方三里淀水東南流出長城注

易謂之范水易水自下有范水通目地形志范陽縣有長安城梁門陂按

安字當是誤出通鑑建興元年游綸兄統為王浚司馬鎮范陽
 遣使私附于勒勒斬其使以送浚浚雖不罪統益信勒
 為忠誠無復疑永和六年燕兵至范陽范陽太守李產
 欲為石氏拒燕眾莫為用乃帥八城令長出降雋復以
 產為太守太元九年秦幽州刺史王永平州刺史苻冲
 二州之眾以擊燕燕王垂遣平朔將軍平規擊永永遣
 昌黎太守宋做逆戰于范陽做兵敗規進據薊南

良鄉

通典幽州良鄉縣漢舊縣水經注聖水南逕良鄉縣故
 城西防水出縣西北大防山南而東南流逕羊頭阜下

俗謂之羊頭溪

地形志良鄉縣有大防山神

東入聖水又東與俠河

合水出良鄉縣西甘泉原東谷俠河東逕良鄉城南又

東北注聖水世謂之俠活河又名之曰非理之溝

趙一溝校

作非

標

北新城

元和志易州遂城縣本漢北新城縣

地形志前漢屬中山按彪志脫之

按縣卽戰國時武遂城趙將李牧攻燕拔武遂方城卽

此水經注易水南逕武隧縣南新城縣北俗謂是水爲

武隧津津北對長城門謂之汾門亦曰汾水門又謂之

梁門易水東分爲梁門陂地理風俗記曰北新城縣東

二十里有樊輿亭故縣桑欽曰易水出北新城西北東

入滹地形志南營州永熙二年寄治英雄城元和志後魏孝武永熙二年以韓瓚為營州刺史行達此城

值盧曹構逆就置南營州以瓚為刺史所部三千餘人並雄武冠時因號英雄城

方城

寰宇記涿州固安縣本漢方城縣地故方城在今縣南

十五里漢新昌縣故城在今縣南三十里後漢省其地下濕俗亦謂之陷城益昌縣故城在今縣東南

五十里後漢省併入方城陽鄉縣故城在今縣西北二十七里後漢省晉復置為長鄉水經注陽鄉縣即長鄉

地形志有長鄉縣水經注聖水又東逕長興城南又東逕方城

縣故城北魏封劉放為侯國又東左會白祀溝白祀水

逕常道城西故鄉亭也西去長鄉城四十里魏少帝璜

甘露三年所封聖水又東南逕韓城東王肅曰今涿郡
方城縣有韓侯城世謂之寒號城非也督亢澤苞方城
縣孫暢之述畫有督亢地圖魏書裴延儻傳轉平北將
軍幽州刺史范陽郡有督
督亢渠徑五十里漁陽燕郡有故戾陵諸堰廣袤三十
里皆廢毀多時莫能修復時水旱不調民多饑餒延儻
謂疏通舊跡勢必可成乃表求營造躬自相度水形隨
力分督未幾而就溉田百萬餘畝為利十倍百姓賴之
廣陽郡

地形志後漢光武并上谷和帝永元六年復為廣陽郡
晉改為國按魏志諸王公傳宇封燕王則魏時已為燕

國徐逸傳稱
燕國薊人

薊

通典幽州薊縣漢縣寰宇記幽州幽都縣舊薊縣地今

邑理薊西界郡國縣道記云建中二年于羅城內廢幽

州廨置在府北一里又郡國志云箕子城石勒每破一

城必簡別衣冠號君子城伯平幽州擢荀綽裴憲等還

襄國此後俗訛為箕子城按載記石勒于劉淵世攻破

其衣冠人物集為君子營未水經注漯水又東北逕薊

間破王浚于幽州有此也縣故城南城有萬載宮光明殿東掖門下舊慕容儁立

銅馬像處大城東門內道左有魏征北將軍建成鄉景

侯劉靖碑魏志靖開拓邊守屯據險又修廣戾渠陵灤

水又東與洗馬溝水合水上承薊水西注大湖湖水東

流爲洗馬溝側城南門東注鉞期奮戟處也魏志杜恕
傳出爲幽州刺史加建威將軍護烏校丸校尉時征北將
軍程喜屯薊尙書袁侃等戒恕曰程申伯處先帝之世
傾出園護于青州足下令俱杖節使其屯一城宜深有
以待之而恕不以爲意至官未期有鮮卑大人兒不由
關塞徑將數十騎詣州州斬所從來小子一人無表言
上喜於是劾奏恕按魏志公孫瓚傳瓚于大城東南築
小城與虞相近蓋劉虞爲幽州牧牧
本治薊瓚與虞有隙故別築城居晉
書劉琨屯征北府小城亦魏時所屯晉書劉琨傳匹磾
奔其兄喪琨遣世子羣送之段末波率眾要擊匹磾敗
走之羣爲末波所得末波厚禮之許以琨爲幽州刺史

其襲匹磾密遣使齎羣書請琨爲內應爲匹磾邏騎所得時琨別屯故征北府小城不之知也因來見匹磾匹磾以羣書示琨曰意亦不疑公是以白公耳琨曰與公同盟志獎王室仰憑威力庶雪國家之恥若兒書密達亦終不以一子之故負公忘義也匹磾遂留琨

段匹磾傳懼琨

圖已遂害之于是晉人離殺矣又邵續傳

匹磾既殺劉琨東晉怨叛遂率其徒依續

王浚傳都督幽州成都王穎以右司馬和演爲幽州刺史密使演殺浚并其眾演與烏丸單于審登謀之與浚期游薊城南清泉水上薊城內西行有二道演浚各從一道演與浚欲合鹵簿因而圖之值天暴雨兵器霑濕不果而還單

于由是與其種人以謀告浚浚密嚴兵與單于圍演

持白旛詣浚降遂斬之自領幽州大營器械石勒記勒

將龔浚而懼劉琨及鮮卑烏丸為其後患沈吟未發張

賓進曰夫襲敵國當出其不意軍嚴經曰不行豈顧有

三方之慮乎勒曰然為之奈何賓曰彭祖之據幽州惟

伏三部今皆離叛還為寇讐此則外無聲援以抗我也

幽州饑饉人皆蔬食眾叛親離甲旅寡弱此則內無強

兵以禦我也若大兵在郊必士崩瓦解今三方未謂將

軍便能懸軍千里以征幽人雖軍往退不出二旬就使

三方有動勢足旋趾劉琨王浚雖同名晉潘其實仇敵

若修賤于琨送質請和琨必欣于得我喜于浚滅終不

救浚而襲我也勒曰吾所不了存侯已了復何疑哉勒

晨至薊叱門者開門疑有伏兵先驅牛羊數千頭聲言

上禮實欲填諸街巷使兵不得發浚乃懼或坐或起勒

升其驪事命甲士通鑑永和六年燕兵至無終王午留

其將王佗以數千人守薊與鄧恆走保魯日雋拔薊執

王侁斬之雋入都于薊太元十年燕帶方王佐與甯朔
將軍平規共攻薊王永兵屢敗永使宋儆燒和龍及薊
城宮室帥眾三萬奔壺關佐等入薊二十一年章武王
宙自龍城還聞有魏寇馳入薊與鎮北將軍陽城王蘭
乘城固守蘭垂之從弟也魏別將石河頭攻之不克燕
主寶出中山至薊殿中親近散亡略盡惟高陽王隆所
領數百騎爲宿衛清河王會帥騎卒二萬迎于薊南寶
盡徙薊中府庫北趣龍城

廣陽

寰宇記廣陽縣故城在今幽州良鄉縣東北三十七里

高齊天保七年省入薊縣水經注灤水又東逕廣陽縣故城北世祖與姚期出薊至廣陽欲南行卽此城謂之小廣陽

昌平

通典幽州昌平縣漢舊縣故城在今縣東南古居庸關在縣西北齊改爲納款

寰宇記後魏于今縣郭城置東燕州及昌平郡昌平縣

水

經注孤山水導源孤山東南流入荆水謂之塔界水東

逕昌平縣故城南又謂之昌平水魏土地記薊城東北

百四十里有昌平城城西有昌平河又東流注濕餘水

芹城水出北山南逕芹城

寰宇記隋圖經云昌平縣有芹城

東南流注

濕餘水魏志牽招傳文帝拜招使持節護鮮卑校尉屯
昌平是時邊民流散山澤又亡叛在鮮卑中者處有千
數招廣布恩信招誘降附建義中郎將公孫集等率眾
部曲咸各歸命

軍都

寰宇記幽州昌平縣本漢軍都縣後魏移軍都縣于今

縣東北二十里卽故城在其南也新唐志北十五里有軍都陁西北二十五

里有納款關卽居庸故關亦謂之軍都關水經注濕餘水故瀆東逕軍都縣

故城南又東重源潛發積而爲潭謂之濕餘潭又東流

易荆水注之續漢書曰尚書廬植隱上谷軍都山通鑑太元二十一年魏

王珪大舉伐燕別遣將軍封真等從東道出軍都襲燕

幽州遼史南京析津府昌平縣本漢軍都縣
又西京道奉聖州磐山縣本漢軍都縣

安次

通典幽州安次縣漢舊縣遼史析津府安次縣本漢舊縣寰宇記縣東

枕永濟渠唐武德四年移于城東南五十里石梁城置

貞觀八年移魏常道城地形志安次縣有常道城開元中移就耿橋

行市橋卽今縣理水經注滹沱河枯溝自安次西北東

逕常道城東安次縣故城西晉司空劉琨所守以拒石

勒按晉書無在安次拒石勒事石虎載記伐段遼以支雄爲龍驤大

將軍姚弋仲爲冠軍將軍統步騎爲前鋒季龍歛次金

臺支雄長驅入薊攻安次斬其部大邗樓奇

代郡

南匈奴傳葉籍骨都侯屯代郡

高柳

章懷注高柳故城在今雲州定襄縣

舊唐志開元二十年改定襄為雲中

水經注修水下大甯郡北右注鴈門水山海經曰鴈門

之水出于鴈門之山鴈出其門在高柳北高柳在代中

其山重巒疊嶽霞舉雲高連山隱隱東出遼塞其水東

南流逕高柳縣故城北舊代郡治

地形志永熙中置高柳郡

通鑑太

元十一年初秦滅代遷代王什翼犍少子窟咄于長安

從慕容永東徙永以窟咄爲新興太守劉顯遣其弟亢
涅迎窟咄以兵隨之逼魏南境諸部騷動魏王珪左右
于桓等與部人謀執珪以應窟咄幢將代人莫題等亦
潛與窟咄交通珪懼內難北踰陰山復依賀蘭部遣外
朝大人安同求救于燕燕趙王麟軍未至窟咄稍前逼
魏王珪賀染干侵魏北部以應之魏眾驚擾北部大人
叔孫普洛亡奔劉衛辰麟聞之遽遣安同等歸魏窟咄
進屯高柳珪引兵與麟會擊之窟咄大敗奔劉衛辰衛
辰殺之

桑乾

寰宇記雲州雲中縣有漢桑乾縣水經注灤水東北逕
桑乾縣故城西又屈逕其城北魏土地記曰代城北九
十里有桑乾城城西渡桑乾水去城十里有温湯療疾
有驗魏任城王彰以建安二十三年伐烏丸涿郡遂北
遂至桑乾正于此也本傳至于桑乾去代二百餘里裴
松之曰桑乾縣屬代郡今北虜居
之號爲素魏書莫含傳其故宅在桑乾川南世稱莫含
于之郡壁成音訛謂之莫回城云崔道固傳慕容白曜送冀州
刺史道固赴都乃徙青齊士望共道固守城者數百家
于桑乾立平齊郡于平城西北北新城以道固爲太守

道人

寰宇記雲州雲中縣有道人縣水經注灤水東逕道人縣故城南地理風俗記曰初築此城有仙人游其地故因以爲名十三州志道人城在高柳東北八十里所未詳也又敦水導源西北少咸山之南麓東流逕參合縣故城南地理風俗記曰道人城北五十里有參合鄉故縣也魏書慕容垂傳太子寶來寇時太祖幸河南宮陳留公虔五萬騎在河東要山截谷六百餘里以絕其左太原公儀十萬騎在河北以承其後略陽公遵七萬騎塞其南路始寶之來垂已有疾自到五原太祖斷其行路父子間絕乃詭其行人之辭臨河告之曰汝父已死

何不遽還兄弟聞之憂怖以為信然通鑑趙王麟將募

死謀作亂奉麟為主事泄占工靳安告人曰今皆將死與嵩等以垂為實

于他鄉尸骸委于草野不復見家矣冬十月寶燒舩夜

遁是時河冰未合寶謂太祖不能渡故不設斥候十一

月天暴風冰合太祖進軍濟河留輜重簡精銳二萬餘

騎急追之晨夜兼行暮至參合陂西寶在陂東營于蟠

羊南水上靳安言于寶曰今日西北風勁是追軍將

至之應宜設警備兼行速去不然必危通鑑燕軍至參

氣如堤自軍後來臨覆軍上沙門支曇猛言于寶曰風

氣暴迅魏兵將至之候宜遣軍禦之寶以云魏軍已遠

笑而不應曇猛固請不已麟怒曰以殿下神武師徒之

眾足以漢行沙漠索虜何敢遠來曇猛言驚眾當斬以

徇曇猛泣曰苟氏以百萬之師敗于淮南正由恃眾輕敵不信天道故也司徒德勸寶從曇猛言寶乃遣麟騎三萬居軍後以備非常麟以曇猛爲妄縱騎游獵不肯設備

寶乃使人防後先不撫循軍無節度將士莫爲盡心行十餘里便皆解鞍寢卧不覺大軍在近其夜太祖部分眾束馬口銜枚無聲昧爽眾軍齊進日出登山下臨其營寶眾晨將東引顧見軍至遂驚擾奔走太祖縱騎騰躡大破之有馬者皆蹶到冰上自相枕壓死傷者萬數寶及諸父兄弟單馬迸散僅以身免寶軍四五萬人一時放仗斂手就羈長孫翰傳蠕蠕大檀入寇雲中世祖親征之遣翰率北部諸將尉眷自參合以北擊大檀別帥阿伏干于柞山斬首

數千級北史桓帝與并州刺史騰盟于汾東還使輔相衛雄段繁于參合陂西累石為亭樹碑以紀行
馬又道武紀以建國三十四年七月七日生帝于參合陂北明年有榆生于藏胞之坎後遂成林

當城

寰宇記雲州有當城縣水經注倒刺山水北流逕一故亭東城北有石城故世謂之石人城西北注連水連水又北逕當城縣故城西高祖十二年周勃定代斬陳豨于當城卽此處

馬城

寰宇記雲州有馬城縣水經注于延水卽修水也東南逕馬城縣故城北十三州志曰馬城在高柳東二百四

十里俗謂是水爲河頭又東逕零丁城南右合延鄉水
水出縣西山東逕延陵縣故城北地理風俗記曰當城
西北有延陵鄉故縣也俗指爲琦城遼史西京道蔚州
廣陵縣本漢延陵
縣後唐同光初
分興唐縣置北史道武紀登國元年帝自弩山幸牛
川屯于延水天賜五年行幸豺山宮遂如參合陂觀漁
于延水至甯川

班氏

寰宇記雲州有漢班氏縣廢城水經注如渾水出涼城
旋鴻縣西南五十許里東合旋鴻池水又南流逕班氏
縣故城東十三州志曰縣在郡西南百里北俗謂之云

留城 北史文成帝和平三年田于峭山遂觀漁于旋鴻池

标氏

水經注灤水又東逕标氏縣故城北十三州志曰縣在

高柳南百三十里俗謂之苦力干城

平邑

寰宇記雲州有漢平邑縣水經注灤水又東逕平邑縣

故城南十三州志曰城在高柳南百八十里北俗謂之

醜寅城 按前志只云平邑彪志于平邑上誤衍一北字

東安陽

遼史蔚州定安縣本漢東安陽縣地西北至州六十里

水經注灤水東逕東安陽縣故城北趙惠文三年主父封長子章爲代安陽君此卽章仁邑通鑑義熙五年魏主珪被弒肥如侯賀護舉烽于安陽城北賀蘭部人皆赴之

平舒

按其地當在代州鴈門縣西北

趙一清曰史記正義平舒故城在蔚州靈邱縣

九十三里

水經注灤水東流祁夷水注之水出平舒縣東

逕平舒縣故城南澤中魏土地記曰代城西九十里有

平舒城西南五里代水所出東北流言代水非也祁夷

水東北逕蘭亭南又東北逕石門關北

寰宇記石門關在代州崞縣西

北入舊道出中山故關也通鑑隆安二年魏主珪自鄴還中山將北歸發卒萬人治

直道自望都鑿恆嶺至代五百餘里晉書慕容儁記匈奴單于賀賴頭率

部落三萬五千降于儁拜甯西將軍雲中郡公處之于

平舒城

代

按其地當在蔚州靈邱縣西水經注祁夷水又東北得

飛狐谷魏土地曰代城南四十里有飛狐關祁夷水又

東北流逕代城西盧植言初築此城板幹一夜自移于

此故代西南五十里大澤中營城自護結葦為九門于

是就以為治城圓而方周四十七里開九州更名

其故城曰東城

趙一清曰代城今蔚州治也東城今蔚州東二十里之代王城

靈邱

補

元和志蔚州興唐縣本靈邱縣

樹刺山在縣東七十里亦號雪

山漚夷河亦曰狐盧河上槽狹下流闊有如狐盧因名橫野軍置在州城內

又靈丘縣本漢

舊縣

隘門山亦曰隘口在縣東南十五里壁立面上層厓刺天有石道極險隘後魏明元帝置義倉之所

水經注漉水又東逕靈丘縣故城南縣古屬代漢靈帝

光和元年中山相臧昊上請別屬也

按此則後漢有靈丘縣光和以前仍

屬代而彪志失之也地形志及遼史皆云後漢罷者蓋仍其誤令據酈注為定

漉水自縣南流

入峽謂之隘門設隘于峽以譏禁行旅歷南山高峰隱

天深溪埒谷其水沿澗西轉逕御射臺南

寰宇記射臺在縣南一十

八里臺在北阜上臺南有御射石碑

北史文成帝紀和平二年靈丘南有山高

四百餘丈乃詔羣臣仰射山峯無能踰者帝彎弧發南

矢出三十餘丈過山南二百二十步遂刊石勒銘

則秀嶂分霄層厓刺天積石之峻壁立直上車駕沿派

是所遊藝焉漣水西流又南轉東出逕北海王詳之石

碣南御射碑石柱北而南流也北史北海王詳傳孝文帝

上谷郡

烏桓傳建武二十五年復置護烏桓校尉于上谷甯城

沮陽

按其地當在燕州遼西縣界通典燕州秦上谷郡地隋文帝時粟末靺鞨有麻稽

部渠長率數千舉部落內附處之柳城燕水經注清夷

郡之北楊帝為置遼西郡大唐為燕州

水又西會牧牛山水魏土地記曰沮陽城東八十里有
牧牛山下有九十九泉即滄河之上源也山在縣東北

三十里山上有道武皇帝廟舊云有一神牛駁身自

山而降下飲泉竭故山得其名今山下導九十九泉積

以成川北史登國元年拓跋珪即代王位大會于牛川
明元紀泰常元年秋七月大獮于牛川登金山

臨殷繁水南觀于九十九泉則知牛川者即酈注之滄
河在沮陽居庸二縣與清夷水合者也胡三省以爲牛

川即代郡之
于延水非也城東北六十里有大翻小翻山滄河又在

得清夷水口清夷水又西靈亭水往之水出馬蘭西澤

中與馬蘭溪水會水導源馬蘭城注于清夷水清夷水

又西逕沮陽縣故城北秦上谷郡治此晉書慕容垂記

垂至參合見往年戰處積骸如山設甲祭之禮死者父
兄一時號哭垂慚憤嘔血因而寢疾至上谷之沮陽死

潘

通典媯州懷戎縣漢潘縣地

鳴雞山本名磨笄山趙襄子滅代其姊磨笄自殺因

為名代人憐之立祠有羣雞鳴于祠上故名鳴雞山

寰宇記晉太康地志潘縣更

屬廣甯郡

晉志廣甯郡太康三年置

高齊置懷戎縣于此水經注瀑

水東逕潘縣故城北東合協陽關水水出協溪魏土地

記曰下洛城西南九十里有協陽關關道西通代郡西

南四十里有潘城城西北三里有歷山山上有虞舜廟

北史明元紀神瑞二年登廣

歷之歷山以太牢祠舜廟

甯

寰宇記媯州懷戎縣有小甯城水經注于延水又東左

與甯川水合于延水又東逕小甯縣故城南按晉省甯

是後謂甯為小甯廣甯為大甯地理志甯縣也魏土地記曰大甯城

西二十里有小甯城

廣甯

遼史西京道儒州縉山縣本漢廣甯縣地水經注延河

又東逕大甯縣故城南地理志云廣甯也魏土地記曰

下洛城西北百三十里有大甯城于延水又東南逕茹

縣故城北世謂之如口城魏土地記曰城在鳴鷄山西

十里南通大道西達甯川北史紇那立三年石勒遣石季龍寇邊部帝禦之不利遷于大甯又石季龍納烈帝駢槐于大甯魏書莫含傳太祖使題與將軍王建等三軍討慕容寶廣甯太守劉亢溼斬之羅結傳年一百一十詔聽歸老賜大甯東川以爲居業并爲築城卽號曰羅侯城

居庸

新唐志媯州懷戎縣東南五十里有居庸塞水經注清夷水又西北逕陰莫亭在居庸縣南十里滄水又西南右合地裂溝寰宇記在今懷戎縣東北古老云晉世地裂分此界南

流入滄河滄河又西逕居庸縣故城南昔劉虞攻公孫
瓚不克北保此城爲瓚所擒陽溝水逕城北西逕大翻
小翻山南高巒截雲層陵斷霧雙阜共秀競舉羣峰之
上魏書常景傳杜洛周反于燕州地形志太和中分以
恆州東北置燕州以
景爲行臺與幽州都督平北將軍元譚禦之別勅譚西
至軍都關北從盧龍塞據此二險以杜賊出入之路又
詔景山中險路之處悉令捍塞景道府錄事參軍裴智
成發范陽三長之兵以守白巖都督元譚據居庸下口
俄而安州石離冗城斛鹽三戍水經注大榆河東南出
峽逕安州舊漁陽郡之
滑鹽縣南世謂之斛鹽
城西去禦夷鎮二百里兵反結洛周有眾二萬餘落自

松岍赴賊譚勒別將崔仲哲等截軍都關以待之仲哲
戰沒洛周又自外應之腹背受敵譚遂大敗諸軍夜散
詔以景所部別將李娒爲都督代譚征下口水經注濕
餘水導源
居庸關山南流歷故關下其水南流出
軍都關謂之下口水流潛伏十許里

雒督

按其地當在蔚州飛狐縣東水經注祁夷水又逕昌平
郡東魏太和中置西南去故城六十里又北連水入焉
水出雒督縣西北流逕雒督縣故城南又西逕廣昌

城南

涿鹿

遼史西京道奉聖州永興縣本漢涿鹿縣地水經注涿
水出涿鹿山東北流逕涿鹿縣故城南又東北與阪泉
合魏土地記曰下洛城東南六十里有涿鹿城城東一
里有阪泉泉上有黃帝祠隋志懷戎縣有涿水阪泉水東北流與蚩
尤泉會水出蚩尤城城無東面魏土地記稱涿鹿城東
南六里有蚩尤城北史神瑞二年幸涿鹿登嶠山觀溫泉使以太牢祠黃帝唐堯廟

下洛

遼史西京道歸化州本漢下洛縣元魏改文德縣按元魏無
此新唐志武州有文德縣水經注灤水又東逕雍洛城
南魏土地記曰下洛城西南二十里有雍洛城桑乾水

在城南東流者也灑水又東逕下洛縣故城南魏燕州

廣甯縣廣甯郡治魏土地記曰去平城五十里

北史穆

和十六年除燕州刺史鎮廣甯城東南四十里有橋山山下有溫泉泉

上有祭堂雕簷華宇被于浦上石池吐泉湯湯其下北

流入灑水灑水又東左得于延水口東南流逕且如縣

故城南

遼史北安州利民縣本漢且居縣地

漁陽郡

魏志景初二年省漁陽郡之狐奴縣置安樂縣晉志言

魏省漁陽郡疑初省而後復置

漁陽

通典薊州漁陽縣漢舊縣水經注沽河出禦夷鎮西北

九十里丹花嶺下東南流大谷水注之逕獨石石孤生

不因阿而自峙沽水又西南逕赤城東趙建武年并州

刺史王霸爲燕所敗退保此

城通鑑建元元年燕人伐宇文逸豆歸趙王虎使

右將軍白勝并州刺史王霸自甘松出救之比至宇文氏已亡因攻威德城不克而還城在山阜

之上下枕深隍溪水之名藉以變稱故河有赤城之號

沽水西南流出山逕漁陽縣故城西南合七度水水出

北山黃頰谷漁水出縣東南平地泉流域在斯水之陽

有符應劭之說又鮑丘水從塞外來南過漁陽縣東魏

志劉放傳漁陽王松據其土放往依之太祖克冀州放

說宜委命結納會太祖討袁譚于南皮以書招松松舉
雍奴泉州安次以附之放爲松答太祖書其文甚麗

狐奴

按其地當在薊州漁陽縣西南水經注沽水西南流逕
狐奴山西又南逕狐奴縣故城西漁陽太守張謚于縣
開稻田教民種植百姓得以殷富又鮑丘水逕漁陽縣
西南流公孫瓚旣害劉虞烏丸思劉氏之德迎其子和
合眾十萬破瓚于是水之上斬首一萬又西南歷狐奴
城東西南流注于沽河

路

通典幽州潞縣漢舊縣水經注鮑丘水入潞通得潞河
之稱高粱水注之水首受灤水于戾陵堰水北有梁山
山有燕刺王旦之陵故以戾陵名堰水自偃枝分東逕
梁山南又東北逕劉靖碑北東至潞縣注于鮑丘水屈
而東南流逕潞城南世祖拜彭寵爲漁陽太守治此寵
叛光武遣游擊將軍鄧隆伐之軍于是水之南光武策
其必敗果爲寵所破遺壁故灤存焉鮑丘水又東南入
夏澤澤南紆曲渚十餘里北佩謙澤渺望無垠也通鑑
隆安元年燕主寶盡徙薊中府庫北趣龍城魏石河頭
引兵追之戊午及寶于夏謙澤寶不欲戰清河王會曰

臣撫教士卒惟敵是求今大駕蒙塵人思效命而虜敢
自送眾心忿憤若其捨去賊必乘人或生餘變寶乃從
之會整陳與魏兵戰農隆等將南來騎衝之魏兵大敗
追奔百餘里斬首數千級隆又獨追數十里而還謂故
吏留臺治書陽璆曰中山城中積兵數萬不得展吾意
今日之捷令人遺恨因慷慨流涕

雍奴

舊唐志幽州武清縣後漢雍奴縣天寶元年改爲武清

遼史析津府香河縣本武清孫村
遼分置在京東南一百二十里

水經注灤水沽河俱

至雍奴縣西爲笱溝俗謂之合口鮑丘水自雍奴縣故

城西北舊分筍溝水東出今筍溝水斷眾川東注混同
一瀆東與洵河合鮑丘水又東合泉州渠口故瀆上承
滹沱水于泉州縣故以泉州爲名北逕泉州縣東又北
逕雍奴縣東西去雍奴故城百二十里又東庚水注之
又東巨渠水注之自是水之南南極滹沱西至泉州雍
奴東極于海謂之雍奴藪其澤野有九十九淀枝流條
分往往逕通非唯梁河鮑丘歸海者也魏志張郃傳從
擊袁譚于渤海別將軍圍雍奴大破之

泉州

遼史析津府玉河縣本泉山地

山當是州之誤

又邠陰縣本漢

泉山之霍村鎮遼每季春弋獵于延芳淀居民成邑就
城故灑陰鎮後改爲縣方輿紀要通州寶坻縣漢泉州
縣地後唐于此置鹽倉金大定十二年置寶坻縣水經
注清河東北至泉州縣北入滹沱水經曰笥溝東南至
泉州縣與清河合自下爲派河尾也沽河逕泉州縣故
城東又東南合清河今無水清淇滹洹滄易涑濡沽滹
沱同歸于海故經曰派河尾也魏志建安十一年將征
蹋頓鑿渠自呼沱入派水名平虜渠又從洵河口鑿入
潞河名泉州渠以通海

平谷

通典漢平谷縣故城在今幽州潞縣北水經注洵河水
出右北平無終縣西山白楊谷西北流逕平谷縣屈西
南流獨樂水入焉水出北抱犢固南流入于洵洵水又
左合盤山水水出山上其山峻險人跡罕交望山上水
可高二十餘里素湍浩然頽波懸溪沿流而下洵水逕
平谷縣故城東南與洵河會洵河又南逕紱城東而南
合五百溝水又東南逕臨洵城北舊唐志隋于潞縣置
立州仍置臨洵縣貞
觀初省 通鑑永和六年慕容霸將兵二萬自東道出
徒河收安樂北平兵糧與慕容雋會臨渠當是臨洵之
誤

安樂

通典漢安樂縣故城在潞縣西北

地形志真君七年併安樂平谷屬潞安州

又有安樂郡領土垠安市二縣水經注濕餘水東南流逕安流縣故城

西沽水又南逕城東晉地道記曰晉封劉禪為公國

晉志

據此按華陽國志則言在上庸郡

晉書石虎記將討慕容皝合鄴城舊

軍滿五十萬具船萬艘自河通海運穀豆千一百萬斛

于安樂城以備征軍之調慕容皝記皝將圖石氏從容

謂諸將曰石季龍自以安樂諸城守防嚴重城之南北

必不設備今若詭路出其不意冀之北土盡可破也于

是率騎二萬出蠡螭塞長驅至于薊城通鑑永和六年

燕王皝使慕容霸將兵二萬自東道出徒河至三陁

水經

注濡水又東南五渡水北出安樂縣丁原山南流逕其縣故城西本三會城也其水南入五渡塘南注于濡

趙征東將軍鄧恆惶怖奔安樂遁去與幽州刺史王午

共保薊按晉書作安樂通鑑或作樂安胡三省據水經注濡水東南流逕樂安亭南新河故瀆合約史

文自河通海運穀之旨以為在海陽縣然漁陽郡之安樂與潞相接去薊較近玩慕容廆及鄧恆進退軍人之

路似實安樂通鑑偶誤而胡氏傳會之恐非也

倮奚

寰宇記檀州密雲燕樂二縣漢庠奚縣地前志作庠與倮同地形志

密雲郡治提攜城領密雲要陽白檀三縣一統志漢要陽縣在今古北口外後魏僑置之要陽縣在密雲縣東

又云漢白檀縣今檀州是也按水經注敘滑鹽倮奚之縣在密雲戌後其白檀故

縣則在盧龍塞外五百餘里是後僑置白檀水經注鮑縣于密雲隋因置檀州非古白檀之地也

巨水出禦夷北塞中南流逕九莊嶺東俗謂之大榆河
 又南逕鎮東南九十里西密雲戍西有東密雲故是城
 言西矣又南逕僂奚縣故城東又濡水東南索頭水注
 之水北出索頭川南流逕廣陽僑郡西通典檀州燕樂縣後魏置廣陽
郡有長城魏分右北平置今安州治濡水又東南流武列水
 入焉其水三川派合故目其川曰三藏川水曰三藏水
 通鑑咸康四年趙王虎擊段遼遼以其弟蘭既敗不敢
 復戰帥妻子宗族豪大千餘家奔密雲山虎遣
 將軍郭太麻秋帥輕騎二萬追遼至密雲山獲其母妻
 斬首三千級遼單騎走險十二月段遼自密雲山遣使

求迎于趙旣而中悔復遣使求迎于燕趙王虎遣征東將軍麻秋帥眾三萬迎之敕秋曰受降如受敵不可輕也燕王皝自帥諸軍迎遼遼密與燕謀覆趙軍皝遣慕容恪伏精兵七千于密雲山大敗麻秋于三藏口死者什六七秋步走得免

獷平

乾隆志在檀州密雲縣東北水經注鮑丘水又西南逕獷平縣故城東又南合三城水水出曰里山西逕三城謂之三城水石門水出伏陵山西南逕獷平城東南而右注鮑丘水通鑑建安十年故安趙犢霍奴等殺幽州

刺史及涿郡太守三郡烏丸攻鮮于輔于獷平秋八月
操討犢等斬之乃渡潞水救獷平烏丸走出塞外

右北平郡

按地形志後魏并此郡于漁陽郡故唐卽以薊州爲漁
陽郡後魏別置北平郡于肥如非漢地也

土垠

遼史澤州廣濟軍本漢土垠縣地水經注鮑丘水又東
逕右北平郡故城南魏土地記曰薊城東北三百里有
右北平城鮑丘水又東巨梁水注之水出土垠縣北陳
宮山西南流逕觀雞山又南逕土垠縣故城西左會寒

渡水又東南合五里水水發北平城東北五里山故世

以五里名溝一名田繼泉

地形志漁陽郡土垠縣有北平城

通鑑太元

十五年北平人吳柱聚眾千餘立沙門法長爲天子破

北平郡轉寇廣都入白狼城燕幽州牧高陽王隆方葬

其夫人郡縣守宰皆會之眾聞柱反請隆還城遣大兵

討之隆曰今閭閻安業民不思亂柱等以詐謀惑愚夫

誘脅相聚無能爲也遂留葬訖遣廣平太守廣都令先

歸續遣安昌侯進將百餘騎趨白狼城柱眾聞之皆潰

窮捕斬之

徐無

遼史澤州灤河縣本漢徐無縣地水經注庚水出右北平徐無縣北塞中南流歷徐無山魏土地記曰右北平城東北百一十里有徐無城城東有溫湯其水南流百步便伏流入于地下魏志田疇傳疇得北歸率舉宗族他附從數百人埽地而盟曰君仇不報吾不可以立于世遂入徐無山中營深險平敞地而居躬耕以養父母百姓歸之數年間至五千餘家疇謂其父老曰諸君不以疇不肖遠來相就在此非苟安而已將圖大事復怨雪恥竊恐未得其志而輕薄之徒自相侵侮愉快一時無深計遠慮疇有愚計願與諸君共施之乃爲約束相

殺傷犯盜諍訟之法二十餘條制婚姻嫁娶之禮與率
學校班行其眾眾皆便之至道不拾遺北邊翁然服其
威信

俊靡

按其地當在薊州玉田縣東北水經注灤水出俊靡縣
世謂之車牽水又東南逕石門峽山高嶄絕壁立洞開
俗謂之石門口漢中平五年詔中郎將孟益率公孫瓚
討純戰于石門大破之又東南流謂之北黃水又屈而
爲南黃水西南逕無終山

無終

舊唐志薊州玉田縣漢無終縣隋志後周廢萬歲通天

二年改爲玉田

按唐志薊州即漢之無終縣其漁陽縣爲無終縣地襲漁陽之名耳水經

注魏土地記曰右北平城西北百三十里有無終城宋

曰漢右北平郡治平罡後漢治土垠當在今薊州玉田

縣界若平剛則在盧龍塞之東北三四百里此前漢之

右北平而李廣之所守也酈注言李廣射虎

石在無終是以後漢之右北平爲李廣所治庚水南逕

燕山下懸岩之側有石鼓去地百餘丈望若數百石因

鼓之東南有石援抱狀同擊勢耆舊言燕山石鼓鳴則

土有兵寰宇記在漁陽又濡水東南逕盧龍塞塞道自

無終縣東出新唐志薊州東北渡灤河有古盧龍鎮又

渡濡水向林闕陁東至清陘峻坂縈折有九紵之名新唐

志北逕九荆嶺受米
城張洪隘度石嶺 至凡城二百許里白凡城東北出

逕平岡故城可百八十里向黃龍則五百里濡水又東

南逕盧龍故城東漢建安十二年魏武征蹋頓所築晉書

載記石季龍謀伐昌黎遣渡遼將軍曹伏將青濡水又

州之眾渡海成蹋頓城無水而還當即此城南黃洛水注之遼史深州義豐縣本古黃洛城黃魏志

出疇傳太祖北征隨軍次無終時方夏水雨濱海滂下

滯滯不通虜亦遮守蹊要軍不得進太祖患之以問疇

疇曰此道秋夏每常有水淺不通車馬深不載舟船為

難久矣舊北平郡治在平岡道出盧龍達于柳城自建

武以來陷壞斷絕垂二百載尚有微徑可從今虜將以

大軍當由無終不得進而退懈弛無備若嘿回軍從盧
 龍口越白檀之險出空虛之地路近而便太祖乃引軍
 還而署大木表于水側曰方今暑夏道路不通且俟秋
 冬進軍虜侯騎見之誠以為大軍去也疇將其眾為鄉
 導上徐無山出盧龍歷平岡登白狼堆去柳城二百餘
 里虜乃驚覺單于身自臨陣太祖與戰遂大斬獲通鑑
 咸康四年趙王虎伐段遼進屯金臺遼所署漁陽上谷
 代郡守相皆降取四十餘城北平陽相陽裕帥其民壁
 燕山以自固諸將恐其為後患欲攻之虎曰裕儒生矜
 惜名節恥于迎降耳無能為也遂過之至徐無

載記慕容
 容既遣

其司馬封奕攻鮮卑木提于白狼揚威
將軍淑虞攻烏丸悉羅于平州皆斬之
燕王皝拓境至
凡城以榼廬城大悅綰爲禦難將軍授兵一千使守凡
城趙征東李農征北張舉攻之經旬不能克永和五年
北平太守孫興表言石氏大亂宜以時進取中原雋以
新遭大喪弗許平狄將軍霸馳詣龍城言于雋曰難得
而易失者時也萬一石氏衰而復興或有英雄據其成
資豈惟失此大利亦恐更爲後患雋曰鄴中雖亂鄧恆
據安樂兵強糧足今若伐趙東道不可由也當由盧龍
盧龍山徑險狹虜乘高斷要首尾爲患將若之何霸曰
恆雖欲爲石氏拒守其將士顧家人懷歸志若大軍臨

之自然瓦解臣請為殿下前驅東出徒河潛趨令支出

其不意

此東道當鄧恆之路

彼聞之勢必震駭上不過閉門自守

下不免弃城逃潰何暇禦我然則殿下安步而前無留

難矣六年使慕容霸將兵二萬自東道出徒河募輿于

自西道出蠕蠕塞雋自中道出盧龍塞以伐趙以慕容

恪鮮于亮為前鋒命慕容渥槎山通道

水經注燕景昭元璽二年遣將

軍步渾治盧龍塞道

焚山刊石令通方斬霸軍至三陁征東鄧恆惶怖焚倉

庫奔安樂遁去與幽州刺史王午共保薊徒河南部都

尉孫泳急入安樂撲滅餘火籍其穀帛霸收安樂北平

兵糧與雋會臨渠燕兵至無終王午與鄧恆走保魯口

元嘉十年魏永昌王健左僕射安原督諸軍擊和龍將軍樓勃別將五千騎圍凡城燕守將封羽以凡城降

遼西郡

烏桓傳靈帝初烏桓大人巨力居眾五千餘落在遼西自稱王巨力居死子樓班年少從子蹋頓代立十二年曹操自征烏桓大破蹋頓于柳城斬之晉書慕容記魏初率其諸部入居遼西從宣帝伐公孫氏有功拜率義王始建國于棘城之北魏書段就六眷傳本出于遼西其伯祖白陸眷因亂被賣爲漁陽烏丸大庫辱官家奴其後漁陽大饑庫辱官以白陸眷爲健使將之詣遼西

逐食招誘亡叛遂至強盛白陸眷死弟乞珍代立乞珍

死子務目塵立即就六眷父也據有遼西之地其所統

三萬餘家控弦四五萬騎遼史中京大定府漢為遼西新安平縣漢末步奚居之幅

員千里其富庶縣皆漢新安平縣地又松江州松山縣本漢文成縣地又與中府興中縣本漢柳城縣地其間

山縣本漢且慮縣

陽樂

遼史中京遷州興善軍本漢陽樂縣地又潤州海濱縣

本陽樂地水經注大沮水又南左合陽樂水水出東北

陽樂縣溪魏土地記曰海陽城西南有陽樂城其水西

南入沮水謂之陽口通鑑建興元年北平陽就清直沈

敏爲遼西太守慕容翰破段氏于陽樂獲之鹿禮而用
鹿遣慕容翰攻段氏
取徒河新城至陽樂

海陽

新唐志平州馬城縣古海陽城遼史中京嚴州本漢海陽縣地又來州海陽縣

本漢縣又南京道平州望都縣本漢海陽又濼州漢時爲右北平石城縣後名海陽按此是石城縣併入也

水經注新河又東逕海陽縣故城南魏土地記曰令支

城南六十里有海陽城新河又東與清水會南流十許

里西入九過口注海又石城水出西南石城山東流逕

石城縣故城南北屈逕白鹿山西卽白狼山也地形志石城縣

有白鹿山祠晉書慕容熙記符后好遊田熙從之北登白鹿山東過青嶺通鑑隆安元年清

河王會兵攻燕主寶寶帥數百騎馳二百里晡時至龍
城會遣騎追至石城不及二年蘭汗遣使迎寶及于薊
城寶以汗祀燕宗廟所爲似順意欲還龍城不肯留冀
州乃北行至建安遣宄從僕射李早先往見汗寶留頓
石城會汗遣左將軍蘇超奉迎陳汗忠款寶以汗燕王
垂之舅盛之妃父也謂必無他不待早返遂行盛流涕
固諫寶不聽留盛在後寶至索莫汗徑去龍城四十里

令支

通典平州盧龍縣有漢令支縣城

遼史南京道平州安
喜縣本漢令支縣地

水經注濡水又東南流逕令支縣故城東

地形志肥如
縣有令支城

眞君七年併合支入陽樂魏土地記肥如城西十里有濡水通鑑咸

康二年段遼遣中軍將軍李詠襲慕容皝詠趣武興都

尉張萌擊擒之

胡三省曰武興城在令支東

四年燕王皝遣都尉趙

榮如趙聽師期皝引兵攻掠令支以北諸城段遼將追

之慕容翰曰今趙兵在南當并力禦之而更與燕鬪燕

王自將而來其士卒精銳若萬一失利將何以禦南敵

乎段蘭怒曰吾前爲卿所誤以成今日之患吾不復墮

卿計中矣乃悉將見焮追之皝設伏以待之大破蘭兵

斬首數千級

魏書石虎征護遼于遼西護遼奔平岡山鬱蘭奔石虎以所徙鮮卑五千人配之使

屯令支鬱蘭死子龕代之

太元十年燕建節將軍餘巖叛據令支燕

王垂遣慕容農出蠕蠕塞歷凡城趣龍城會兵討餘巖
農至龍城休士馬十餘日諸將皆曰殿下之來取道甚
速今至此久留不進何也農曰吾來速者恐餘巖過山
鈔盜侵優良民耳巖才不如人誑誘饑兒烏集爲羣非
有綱紀吾已扼其喉久將離散無能爲也今此田善熟
未收而行徒自耗損當俟收畢往則梟之亦不出旬日
耳頃之農將步騎三萬至令支巖眾震駭稍踰城歸農
嚴計窮出降農斬之隆安三年遼西太守李朗在郡陰
召魏兵許以郡降魏燕主盛遣輔國將軍李旱討之旱
行至建安

胡三省曰建安城在
令支之北乙連之南

燕王盛急召之羣臣莫

測其故逾月復遣之即聞旱還謂有內變不復設備留
其子養守令支自迎魏師于北平旱襲令支克之遣廣
威將軍孟廣追朗及于無終斬之

肥如

寰宇記平州盧龍縣本漢肥如縣

遼史隋開皇中省肥如入新昌十八年改

新昌曰盧龍地形志北平郡新昌縣有盧龍山水經注玄水又南與溫水合水
出肥如城北隋志盧龍縣有玄水玄水西南逕孤竹城北西入濡

水城在山側肥如縣南十二里濡水東南逕西鄉北分
爲二水北水枝出世謂之小濡水濡水逕樂安亭南東
與新河故瀆合瀆自雍奴縣承鮑丘水東出謂之鹽關

口魏武征蹋頓與洵口俱導世謂之新河新河東北出

逕右北平又東北逕昌城縣故城北遼史中京道榆州永和縣本漢昌城

縣新河又東分為二水枝瀆東南入海新河自枝渠東

出合封大水見前志謂之交流口水出新安縣東南流龍

鮮水注之隋志盧龍縣有龍鮮水亂流南會新河注于海晉書慕

容廐記初涉歸有憾于宇文鮮卑廐表請討之武帝弗

許廐怒入寇遼西殺掠甚眾帝遣幽州諸軍討廐戰于

肥如廐眾大敗通鑑元嘉九年初燕王嫡妃王氏生長

樂公崇崇于兄弟為最長及即位立慕容氏為王后黜

崇使鎮肥如崇母弟廣平公朗樂陵公邈相謂曰今國

家將亡人無愚智皆知之王復受慕容后之潛吾兄弟
死無日矣乃亡奔遼西說崇使降魏崇從之

臨渝

新唐志平州石城縣本臨渝縣有臨渝關

寰宇記貞觀十五年于故

臨渝城置臨渝縣萬歲通天二年改為

石城遼史中京道榆州本漢臨榆縣地有碣石山水經

注濡水又東南至繁縣碣石山文潁曰碣石在遼西繁

縣并屬臨渝又遼水右會白狼水水出右北平白狼縣

東南

地形志建德郡治白狼城真君八年并白狼建德望平于廣都

西北屈逕廣城縣

故城南俗謂之廣都城

慕容記石季龍使石城入攻渝凡城不克進陷廣城卽此

水首受白狼水西南循山逕一故城西世以爲河連城

疑是臨渝縣之故城通鑑隆安元年清河王會以遼西
王農高陽王隆皆嘗鎮龍城屬尊位重名望素出已右
恐至龍城權政不復在已又知終無爲嗣之望乃謀作
亂寶謂農隆曰觀道通志趣必反無疑宜早除之農隆
曰今寇敵內侮會鎮撫舊都遠赴國難其威名之重足
以鎮動四隣逆狀未彰而遽殺之豈徒傷父子之恩亦
恐大損威望寶曰會逆志已成卿等慈恕不忍早殺一
旦爲變必先害諸父然後及吾會聞之益懼寶宿廣都
黃榆谷會遣其黨仇尼歸吳提染干帥壯士二千餘人
分道襲農隆殺隆于帳下農被重創執仇尼歸逃入山

中慕容盛記蘭汗二子魯公和陳公楊元嘉十三年魏

娥清古弼攻燕白狼城克之隋書高麗傳高祖命漢王諒為元帥討高麗師出臨

渝關唐書高麗傳太祖征高麗還總飛騎入臨渝關皇太子迎道左

補令支魏書天興元年范陽人盧溥聚眾海濱殺幽州

刺史封沓干詔材官將軍和突討盧溥三年破之于遼

西生獲溥晉書慕容盛記魏襲幽州執刺史盧溥而去五年慕容熙遣將寇

遼西虎威將軍宿沓干拒戰不利奔令支而還晉志慕容寶遷

于和龍自幽州至于盧溥鎮以南地入于魏慕容熙以幽州刺史鎮令支載記熙以上庸公懿為幽州刺史

遼東郡

周禮職方氏疏云漢光武十三年以遼東屬青州二十

四年還屬幽州魏志公孫度傳分遼東郡爲遼西中遼郡置太守越海收東萊諸縣置營州自爲平州牧晉志魏置東夷校尉居襄平而分遼東昌黎元菟帶方樂浪五郡爲平州後還合爲幽州文懿滅後有護東夷校尉居襄平咸甯二年分置平州

襄平

遼史東京道湯州本漢襄平縣地又貴德州貴德縣尙

州東平縣皆漢襄平縣地

新唐志營州有襄平守捉城

水經注遼水

逕襄平縣故城西故平州治

後魏平州治肥如故言故

又南逕遼隊

縣故城西

前志有遼隊縣後漢蓋省入襄平遼史上京道順州本遼隊縣地又東京遼陽府仙鄉縣

木漢遼 小遼水西南逕襄平縣爲淡淵晉永嘉二年涇

逕遼隊縣入大遼水魏志公孫淵傳景初二年遣太尉

司馬宣王征淵淵遣將軍卑衍楊祚等步騎數萬屯遼

隧圍塹二十餘里衍逆戰宣王遣將軍胡遵等擊破之

宣王令軍穿圍引兵東南向而急東北即趨襄平行等

恐襄平無守夜走晉書宣帝紀帝曰賊堅營高壘欲以

高壘不得不與我戰者攻其所必救也賊大衆在此則

巢窟虛矣我直指襄平則人懷內懼懼而求戰破之必

矣遂整陣而過賊見兵出其後果邀之帝謂諸將曰所

以不攻其營正欲致此不可失也乃縱兵逆擊大破之

諸軍進至首山淵復遣衍等迎軍殊死戰復擊大破之

遂進軍造城下爲圍塹會霖雨三十餘日遼水暴長運

船自遼口徑至城下雨霽起土山修櫓爲發石連弩射
城中淵窘急糧盡人相食將軍楊祚等降八月丙寅夜
大流星長數十丈從首山東北墜襄平城東南淵眾潰
與其子修將數百騎突圍東南走大兵急擊之當流星
所墜處斬淵父子晉書慕容記遼東太守龐本以私憾
殺東夷校尉李臻附塞鮮卑素連木津等託爲臻報仇
實欲因而爲亂遂攻陷諸縣太守袁謙頻戰失利校尉
封釋懼而請和連歲寇掠子翰言于庖曰連津跋扈王
師覆敗豎子外以龐本爲名內實幸而爲寇封使君以
誅本請和而毒害滋深遼東傾沒垂已二周中原兵亂

州師屢敗勤王仗義今其時也虜乃率騎討連津大敗
斬之二部悉降徙之棘城立遼東郡而歸通鑑大興二
年虜破宇文悉獨官崔志聞之懼使其兄子燾詣棘城
僞賀會三國使者亦至

高句麗宇文
氏段末杯

請和曰非我本意

崔平州教我耳虜以示燾臨之以兵燾懼首服虜乃遣
燾歸謂志曰降者上策走者下策也引兵隨之志與數
十騎奔家奔高麗其眾悉降于虜虜以其子仁爲征虜
將軍鎮遼東

四年虜徙慕容翰鎮
遼東慕容仁鎮平郭

咸和七年慕容皝討

仁皝兵大敗前大農孫機等舉遼東城以應仁東夷校
尉封抽護軍乙逸遼東相韓矯皆弃城走于是仁盡有

遼東之地九年虢討遼東至襄平遼東人王岌密信請
降師進入城翟檀麗鑿單騎走居龍新昌等昌縣降虢
欲悉阬遼東民高誦諫曰遼東之叛非本圖直畏仁凶
威不得不從今元惡猶存悉阬此城遼加夷滅則未下
之城無歸善之路矣虢乃止分徙遼東大姓于棘城以
杜羣爲遼東相

新昌

地形志北平郡新昌縣有盧龍山非此新昌也通鑑咸
和九年慕容仁遣兵襲新昌督護新興王寓擊走之遂
徙新昌入襄平

無慮

遼史東京道顯州奉先縣本漢無慮縣卽醫巫閭山又
 乾州奉陵縣本漢無慮縣地又中京道錦州本無慮縣
 慕容皝置西樂縣通鑑永嘉三年初東夷校尉李臻與
 王浚約其輔晉室浚內有異志臻恨之和演之死別駕
 昌黎王誕亡歸李臻說臻舉兵討浚臻遣其子成將兵
 擊浚遼東太守龐本素與臻有隙乘虛襲殺臻遣人殺
 成于無慮誕亡歸慕容廆載記慕容仁所署居龍令劉
宰降置和陽武
次西樂三縣

望平

遼史東京遼陽府析木縣本漢望平縣地又復出銅州

又顯州山東縣本漢望平縣水經注大遼水自塞外東

流直遼東之望平縣西西南流逕襄平縣通典出蘇鞞國西南山

侯城

元菟郡已有侯城此重出

安市

遼史東京道鐵州本漢安市縣高麗為安市城唐太宗

攻之不下薛仁貴白衣登城即此按太宗時未嘗破安市城薛仁貴傳進軍

攻安市城高麗莫離支遣將高延壽高惠真率兵二十

五萬來拒戰依山結營太宗分命諸將四面擊之仁貴

欲立奇功乃異其服色著白衣握戟腰鞬張弓大呼先

入所向無前賊盡披靡卻走大軍乘之賊乃大潰太宗

遙望見之遣馳問先鋒白衣者爲誰特引見賜馬內匹
絹四十四匹又冊府元龜一百十七太宗令李勣江夏王
道宗攻安市城六
旬不能克遂班師

平郭

遼史遼陽府興遼縣本漢平郭縣地通鑑咸和八年慕容
仁自平郭來奔虜喪謂弟昭曰吾等素驕多無禮于
嗣君嗣君剛嚴無罪猶可畏況有罪乎昭曰吾等皆體
正嫡于國有分兄趣舉兵以來我爲內應事成之日與
我遼東男子舉事不克則死不能效建威偷生異域也
仁曰善遂還平郭舉兵而西或以仁昭之謀告眇遣使
按驗仁兵已至黃水知事露殺使者還據平郭眇賜昭

死咸康元年段氏宇文氏各遣使詣仁館于平郭城外
毖帳下督張英將百餘騎間道潛行掩擊之斬宇文氏
使十餘人生擒段氏使以歸二年毖將討慕容仁司馬
高詡曰仁叛弃君親民神共怒前此海未嘗凍自仁反
以來連年凍者三年矣且仁專備陸道天其或者欲使
吾乘海冰以襲之也毖從之羣僚皆言涉冰危事不若
從陸道毖曰吾計已決敢沮者斬帥其弟軍師將軍評
等自昌黎東踐冰而進凡三百餘里至厯林口捨輜重
輕兵赴平郭去城七里候騎以告仁仁狼狽出戰張英
之俘二使也仁恨不窮追及毖至仁以爲毖復遣偏師

輕出寇抄不知孰自來謂左右曰今茲當不使其匹馬
得返悉眾陳于城西北慕容軍帥所部降于孰仁眾沮
動孰縱擊大破之仁走其帳下皆叛遂擒之咸康七年
恪為渡遼將軍鎮平郭高句麗畏之不敢入境魏書宇文莫槐傳先是海出大龜枯死于平郭而乞得龜為慕容廆敗別部人逸豆歸殺乞得龜而自立

西安平

遼史上京臨潢府本漢西安平之地涑流河自西北南
流遼京三面東入于曲江晉志有安平復有西安平遼史龍化州與國軍本漢北安
平縣地當即晉志之安平然前志遼西郡本有西安平縣或是故新安平隋書高麗傳位宮
以魏正始中入寇西安平毋丘儉拒破之魏志毋丘儉傳句驤王宮

將步騎二萬人進軍沸流水上大戰梁通鑑咸康七年

口宮連破走沸流水即涑流河梁音渴趙橫海將軍王華帥舟師自海道襲燕安平破之孫權遣使

者謝宏中書陳恂拜高句麗王宮為單于恂等到安平口先遣校尉陳奉前見宮

汶

方輿紀要汶城在蓋州衛西蓋州今為奉天府蓋平縣

魏志正始元年以遼東汶北豐縣民流徙度海規齊郡

為新汶南豐縣以居流民按漢無北豐縣必是公孫據遼東時分立通鑑咸

和八年慕容皝以高誦為廣武將軍討慕容仁戰于汶

城北皝兵大敗魏書馮跋傳馮弘奔高麗高麗處之于

平郭尋徙北豐文通素侮高麗高麗政刑賞罰猶如其

國高麗乃奪其侍人質任王仔此誤通鑑作取其太子王仁爲質文通忿怨之謀將南奔高麗乃殺之於北豐

番汗

沓氏

魏志景初三年以遼東東沓縣吏民渡海居齊郡界以

故縱城爲新沓縣兩志作沓氏而魏時稱東沓亦漢末

所改

東夷傳辰韓王治月支與沓氏聲同

玄菟郡

裴松之引吳書曰玄菟郡在遼東北相去二百里太守

王贊領戶二百與續志戶數僅十五分之二計其道里

又非舊治然則魏時已被高麗所侵食也

通典元菟樂浪郡之地晉

永嘉以後陷入高麗通鑑太元十年慕容農進擊高句麗復遼東元菟二郡

高句麗

乾隆志高句麗故城在興京城北水經高句麗縣有遼山小遼水所出通鑑咸康八年慕容皝將擊高句麗有二道其北道平闊南道險狹眾欲從北道翰曰虜以常情料之必謂大軍從北道必重北而輕南王宜帥銳兵從南道擊之出其不意別遣偏師從北縱有蹉跌其腹心已潰四支無能為也皝從之自將勁兵四萬出南道

載記使翰及子垂為前鋒遣長史王寓等勒眾萬五千從北道而進高句麗王謂皝軍從北路遣其弟武統

五萬距北置射率與卒以防南陝輸與鏑戰于木底
大敗之按通典毋丘儉追位宮至頽峴懸車束馬登九
都山頽峴當卽慕容盛記率眾三萬伐高句麗襲其新
南道之險狹者
城南蘇皆克之唐志安東都護府領四十州有南蘇州
為遼東道行軍大總管率營州都督府高麗傳李勣傳
次南蘇木底虜兵戰不勝乾封中麗同善高倨守新城
男建遣兵襲之薛仁貴救倂戰金山不勝高麗鼓而進
銳甚仁貴橫擊大破之斬首五萬級拔南蘇木底蒼巖
城三

西蓋馬

彭志誤遼史東京辰州本高麗蓋牟城蓋牟卽蓋通典
馬為鳥馬之轉

太宗親征渡遼李勣攻拔蓋牟城以其城置蓋州東沃

在高句麗蓋
馬大山之東

上殷台

高顯

魏志甘露二年詔曰玄菟郡高顯縣吏民反叛長鄭熙
為賊所殺民王簡負擔熙喪晨夜星行遠致本州忠節
可嘉其特拜簡
為忠義都尉

侯城

魏志高句麗傳王宮遣軍攻玄菟焚燒侯城入遼隧

遼陽

遼史上京道橫州國舅蕭克忠建居漢故遼陽縣地水

經注小遼水出遼山西南流逕遼陽縣與大梁水會遼

遼河出東北山口為范河西南流為大口入于海東梁
河自東山西流與渾河合為小口會遼河入于海又名

太子河亦曰大梁河通典
大梁水西南流注小遼水

樂浪郡

晉志公孫度置帶方郡地形志樂良郡領永洛帶方二

縣治連城

載記慕容皝築好城于乙連城東使將軍蘭勃戍之以逼乙連又城曲水以為勃援胡三省曰乙連城段國之東境在曲水之西水經注濡

河又東南水流迴曲謂之曲河連城應卽乙連唐書

高麗傳其君居平壤城亦謂長安城漢樂浪郡又新羅

居漢樂浪地魏志東夷傳漢武以沃沮城為玄菟郡後

為夷貊所侵徙郡句麗西北今所謂玄菟故府是也沃

沮還屬樂浪漢以土地廣遠在單單大嶺之東分置東

部都尉治不耐城別主領東七縣時沃沮亦皆為縣漢

光武六年罷都尉以其縣中渠帥為縣侯不耐華麗沃

沮諸縣皆為侯國

按此數縣不載于志蓋不統于郡也

又韓國在帶方之

南漢時屬樂浪郡四時朝謁建安中屬帶方景初中部

從事吳林以樂浪本統韓國分割辰韓八國以與樂浪

通鑑建興元年遼東張統據樂浪帶方二郡與高句麗王乙弗利相攻連年不解樂浪王遵說統帥其民千餘

家歸鹿鹿為之置樂浪郡

朝鮮

魏志濊國朝鮮之東皆其地漢自單單大山領以東七

縣都尉主之皆以濊為民通鑑咸康四年趙王虎伐燕

朝鮮令昌黎孫詠帥眾拒趙大姓王清等密謀應趙詠

收斬之同謀數百人惶怖請罪詠皆釋之與同拒守樂

浪太守鞠彭以境內皆叛選鄉里壯士二百餘人共選

棘城遼史開州本濊貊地疊石為城二十里唐薛仁貴戰熊山擒善射者于石城卽此開遠縣奉柵城池

海那

浪水

遼史東京遼陽府遼陽縣漢浪水縣水經注十三州志

曰浪水縣在樂浪東北其地今高句麗之國治余訪蕃

使言城在浪水之陽

通典高麗王所居平壤城卽樂浪王險城隨山屈曲南臨浪水在遼

東南千餘里其外有國內城及漢城亦別都也高麗傳李勣圍遼東城高麗發新城國內城騎四萬救遼東又蓋蘇文死子男生代為莫離支與弟男建男魏志毋丘產相怨男生據國內城遣子獻誠入朝求救

儉傳東馬懸車登丸都屠句麗所都王宮單將妻子逃
竄儉引軍還六年復征宮遂奔買溝慕容皝記皝乘勝
入丸都王釗單馬遁焚其宮室毀丸都而歸魏書高句
麗傳遣散騎侍郎李敖拜高連為王敖至其所居平壤
城訪其方事東至柵城南至小海魏志句麗國依大水而居西安平縣北有
小水南流入海句麗別種依小水作國因名之為小水北至舊夫餘民戶參
倍于前魏時遼史唐高宗平遼東于此置安東都護府
遼東州寰宇記上元三年移安東府于遼東郡故城
儀鳳二年又移于新城開元二年移安東于平州

資

方輿紀要舍資城在朝鮮國王京南境晉志作舍資地

形志舍資并屬遼西陽樂縣

占蟬

一統志黏蟬城在朝鮮國平壤西南隋書煬帝大業八年征高麗右第一軍出黏蟬道第二軍出舍資道

遂城

一統志遂城廢縣在朝鮮國平壤南境通典碣石山在

遂城縣長城起于此山今驗長城東截遼水而入高麗

遺址猶存

按尙書云夾右碣石入于河右碣石卽河也遺址在今右北平郡南二十餘里則高麗爲

左碣石

增地

方輿紀要增地廢縣在朝鮮國平壤府南境

帶方

新唐志顯慶五年平百濟置帶方州

劉仁軌傳左衛中郎將王文度為熊

津都督文度濟海病卒詔仁軌檢校帶方州刺史代文度統眾

魏志東夷傳高句麗王

伯固攻西安平于道上殺帶方令魏景初中諸韓國臣

智激韓忿攻帶方郡崎離營太守弓遵樂浪太守劉茂

興兵伐之遵戰死二郡遂滅韓魏書太武紀延和元年

詔平東將軍賀多羅攻馮弘帶方太守慕容玄于猴固

駟望

海冥

遼史東京道興州本漢海宜縣地宜卽冥之訛隋志煬帝征

高麗左第三軍出海冥道

列口

通典大業七年煬帝親征高麗惟于遼水西拔武列邏蓋卽列口舊地

長岑

遼史東京道崇州隆安軍本漢長岑縣地遼置崇信縣為州治方輿紀要崇信城在瀋陽中衛東崔駟傳永元初為長岑縣

屯有

魏志東夷傳建安中公孫康分屯有縣以南荒地為帶

方郡按通典引此作分屯有有鹽縣以南荒地為帶方郡則屯有有鹽並漢遼東屬縣攷前志無有鹽縣三國志應脫二字通典此二字亦傳寫之誤又不當云遼東

昭明

鏤方

遼史遼陽府紫蒙縣本漢鏤方縣地水經注許慎云

水出鏤方東入海一曰出泚水縣十三州志曰泚水縣

在樂浪東北鏤方縣在郡東蓋出其縣南逕鏤方也遼史

遼陽府有泚水亦曰泥河又曰蘄芊泚水多蘄芊之草

提奚

隋書煬帝征高麗第六軍出提奚道

遼東屬國

煬帝征高麗右第三軍出渾彌道

樂都

遼東屬國

魏志正始五年九月鮮卑內附置遼東屬國立昌黎縣以居之似中間曾省地形志云昌黎郡晉分遼東置晉志云昌黎郡漢屬遼東屬國都尉魏置郡大約公孫于魏時曾置昌黎郡故晉志敘平州云魏分遼東昌黎元菟帶方樂浪五郡爲平州後遂合爲幽州還合當在公孫淵滅後其時並省昌黎郡而晉初復置爾

昌遼

遼字誤

按通典為營州柳城縣地地形志昌黎郡龍城縣真君

八年併柳城昌黎棘城屬隋志開皇元年惟留建德一

郡龍城一縣其餘並廢改縣為龍山十八年改為柳城

按晉書慕容廆昌黎棘城鮮卑人今晉志無是縣遼東國有力城縣應是棘城之訛寰宇記漢交

黎縣屬遼西郡後漢改為昌黎縣遼史潭州龍山縣本

漢交黎縣地又興中府漢柳城縣地又建州永康縣本

昌黎縣地寰宇記唐武德五年分饒樂都督府置崇州領昌黎縣處奚可汗水經注白

狼水又東北逕昌黎縣故城西地理志曰交黎應劭曰

今昌黎也按鄴注明析如此而彪志乃訛為昌遼故天

邊頤炎武曰當作昌黎故交黎此後人寫刻

之誤可以
意改者
白狼水又東北逕龍山西燕慕容皝以柳城

之北龍山之南福地也使陽裕築龍城改柳城為龍城

縣續志無柳縣晉志當有之而史脫也據地形志則有龍城復有柳城蓋後所置十二年黑龍

白龍見于龍山為晉永和二年交首嬉翔解角而生皝悅大赦

號新宮曰和龍宮白狼水又北逕黃龍城東十三州志

曰遼東屬國都尉治昌遼道本當云交黎此後校人轉據彪志訛本所改有

黃龍亭魏營州刺史治宋書高句驪傳馮跋號燕王以其治黃龍城故謂之黃龍國按

遼史龍州黃龍府本渤海扶餘府太祖平渤海還至此崩有黃龍見更名扶餘府本扶餘故地非此也晉

書武帝紀太康三年征北將軍嚴詢敗慕容廆于昌黎

殺傷數萬通鑑考異謂當是涉歸廆之父也載記元康四年廆移居棘

城太安初宇文莫圭

魏書作莫槐通鑑同

遣弟屈雲別帥大素延

攻掠諸郡庾親擊破之素延怒率眾十萬圍棘城眾咸

懼庾曰素延犬羊蟻聚軍無法制已在吾計中諸軍但

爲力戰無所憂也乃躬貫甲冑擊之素延大敗俘斬萬

餘人

太興二年

時平州刺史東夷校尉崔恣崔恣陰結高句

麗及宇文段國謀滅庾分其地庾曰彼信崔恣虛說邀

一時之利烏合而來旣無統一莫相歸伏彼軍初合其

甚銳幸我速戰若逆擊之落其計矣靖以待之必懷疑

貳一則疑吾與恣誦而覆之二則自疑三國之中與吾

有韓魏之謀者待其人情沮惑然後取之必矣於是三

國攻棘城。鹿閉門不戰。遣使以牛酒犒。宇文大言于眾曰：「崔恣有使至二國，果疑宇文同于鹿也。引兵而歸。」

宇文悉獨官曰。魏書作遜晚延。二國雖歸吾獨兼其國。

何用人為盡眾逼城連營三十里。通鑑鹿使召其子翰於徒河。翰遣使白鹿曰：悉獨官舉國為寇，彼眾我寡，易以計破，難以力勝。今

城中之眾足以禦寇。翰請為奇兵于外伺其間而擊之。內外俱奮，使彼震駭，不知所備。今并兵為一，彼得專意

攻城，非策之得者也。且示眾以怯，恐士氣先沮。鹿猶疑之。遼東韓壽言于鹿，請從翰計，乃聽翰留徒河。悉獨官

聞之曰：翰素名驍果，今不入城，或能為患。當先取之。城不足憂，乃分遣數千騎襲翰。翰知之，詐為段氏使者，逆

于道曰：慕容鹿久為吾患，聞當擊之，吾已嚴兵相待。宜速進也。使者既去，翰即出城設伏以待之。宇文氏見使

者大喜，馳行不復設備，進入伏中。翰奮擊盡獲之，乘勝徑進。遣問鹿簡銳士配號摧鋒于前，翰領精騎為奇兵

使語鹿。

從旁出直衝其營虜方陣而前悉獨官方率兵拒之前

鋒始交翰已入其營縱火焚之其眾震擾不知所為遂

大敗悉獨官僅以身免獲皇帝玉璽三紐石勒遣使通

和虜拒之送其使于建鄴勒怒遣宇文乞得龜考異云燕書作

乞得龜擊虜虜遣黜拒之以裴疑為右部率索頭通鑑有段國二

字為右翼命其少子仁自平郭趣伯林魏書伯林為左翼通鑑

乞得歸據澆水拒黜遣兄子悉拔雄拒仁按通典柳城縣有饒樂水即澆水攻乞得龜克之

悉虜其眾通鑑咸和九年段遼遣其弟蘭與慕容翰共攻柳城柳城都尉石琮城大慕與聖并力拒

守蘭等不克而退遼怒切責蘭等令必拔之復益兵來

攻土皆重袍蒙楯作飛梯四面俱進晝夜不息琮聖拒

守彌固慕容容黜遣慕容汗及司馬封弈等共救之戒汗

曰賊氣銳勿與爭鋒汗性驍果以千餘騎為前鋒直進

封奔止之。不從。與蘭遇于牛尾谷。汗兵大敗。死者大半。奔整陣力戰。故得不沒。蘭欲乘勝窮追。慕容翰恐遂滅其國。止之曰。孰多權詐。好為潛伏。若悉國中之眾。目將以拒我。我懸軍深入。眾寡不敵。此危道也。蘭曰。此已成擒。無有餘理。卿正慮遂滅卿國耳。翰曰。吾投身相依。無復還理。國之存亡。于我何有。但欲為大國之計。且相為惜功名耳。乃命所部欲獨還。蘭不得已而從之。慕容皝記段蘭擁眾數萬屯

于曲水亭。將攻柳城。宇文歸入寇。安晉為蘭聲援。皝以步騎五萬擊之。師次柳城。蘭歸皆遁。遣封奔率輕騎潛于馬兜山。諸遼騎果至。夾擊大敗之。斬其將榮保石。季龍怒。皝之不會師也。進軍擊之。至于棘城。戎卒數十萬。

四面進攻郡縣。諸部叛。應季龍者三十六城。通鑑咸康四年趙兵

進逼棘城。燕王皝欲出亡。帳下將慕容根諫曰。趙強我弱。大王一舉足。則趙之氣勢遂成。使趙人收略國民兵。

強毅足不可復敵今周守堅城縱其急攻猶足支持觀
 形察變問出求利如事之不濟不失于走柰何望風委
 去為必亡之理乎毖乃止然猶懼形于色玄菟太守劉
 佩將敢死數百騎出衝趙兵所向披靡斬獲而還于是
 士氣自倍趙兵四面蟻附緣城慕輿根等晝夜力戰凡
 十餘日趙兵不能克引退毖遣子恪帥二千騎追擊之
 趙兵大敗斬獲三萬餘級惟石閔一軍獨全石虎記恪
 帥胡騎二千晨出挑戰諸門皆若有師出者四面如雲
 季龍大驚遁毖率騎二萬伐宇文歸斬其驍將涉奔干考
 奔甲而遁

燕書作歸遠遁漠北毖開地干餘里徙其部人五萬餘
 涉夜干

落于昌黎改涉夜干城為威德城據通鑑涉夜干所居之居城本曰南羅

慕容盛記初慕容奇聚眾于建安將討蘭汗百姓翕然

從之進屯乙連盛既誅汗命奇罷與奇遂與丁零嚴生

烏丸王龍之阻兵叛盛引軍至橫溝去龍城十里盛出

兵擊敗之執奇而還魏書馮跋傳世祖詔樂平王丕等
討文通太常陽嶧復勸文通請罪乞降文通不聽密求
迎于高麗高麗遣將葛盧等率眾迎之入和龍城脫其
弊褐取文通精仗以賦其眾乃擁其城內士女入于高
麗先是其國有狼夜繞城羣嗥如是終歲宿軍地然一
旬而滅觸地生蛆月餘乃止和龍城生白毛長一尺三
寸通鑑元嘉十三年燕王帥龍城見戶東徙焚宮殿火
一旬不滅古弼部將高苟子帥騎欲追之弼醉拔刀
止之故燕王得逃去地形志營州刺史治和龍城
庫莫奚傳開遼海置戍和龍諸夷震懼各獻方物

賓徒

遼史中京大定府長安勸農二縣本漢賓從縣地

按前志作

賓從彪志與晉志同爲賓徒誤寰宇記鮮州賓徒縣唐武德五年分饒

樂郡都督府奚部落置

徒河

一統志徒河縣城在錦州府錦縣西北遼史大定府神

水縣本漢徒河縣地

地形志徒河并屬昌黎郡廣興縣有石城大柳城

晉書慕

容記太康十年虜遷于徒河之青山

寰宇記營州東北九十里

通鑑

建興元年虜遣慕容翰攻段氏取徒河新城至陽樂翰

留鎮徒河壁青山慕容垂記石季龍遣將鄧恆率眾數

萬屯于樂安營攻取之備垂成徒河與恆相持恆憚而

不敢侵

魏書泰常三年徙冀定幽三州徒河十京師按拓跋以慕容國人爲徒河

無慮

當爲扶黎

一統志無慮故城今錦州府廣甯縣寰宇記扶黎故城

在今營州柳城縣東南其地帶龍山卽慕容皝祭龍之

所鮮卑傳攻扶黎營殺長吏

賢曰扶黎縣屬遼東屬國故城在今營州東南按無

慮已見上遼東郡明此無慮是扶黎之訛

險瀆

一統志險瀆故城在廣甯縣東南遼史東京道集州奉

集縣古陴離郡地漢屬險瀆縣

按郡當爲國魏志東夷傳辰韓長帥有卑離國

古離國古離卑國等

慕容皝記母弟征虜仁廣武昭並有寵於廩

孰不平之仁勸昭舉兵廢孰孰殺昭遣使按檢仁之虛

實遇仁于險濱仁知事發殺黜使東歸平郭

房

一統志房縣故城在廣甯縣東南水經注渝水又東南

逕一故城東俗曰女羅城

寰宇記燕州遼西縣隋大業八年置在女羅故城十二年

移治

又南逕營丘城西

慕容記廐以青州流人為營丘郡通鑑成康四年營丘內史鮮

于屈遣使降趙武甯今孫興收屈數其罪殺之閉城拒守

其水東南入海一水東北

出塞為白狼水東南流至房縣注于遼

後漢書疏證卷三十

吳 沈欽韓撰

南海郡

州郡志交阯刺史治龍編獻帝建安八年改曰交州治
蒼梧郡廣信縣十六年徙治南海番禺縣及分爲廣州
治番禺交州還治龍編吳志黃武五年分交州置廣州
俄復舊孫休永安七年復分交州置廣州晉地理志黃
武五年割南海蒼梧鬱林三郡置廣州戴良爲刺史值
亂不得入呂岱擊平之復還并交部永安七年復以前
三郡在廣州又吳志孫皓甘露元年以零陵南部爲始

安郡州郡志云吳屬廣州有尙安永豐平樂等縣皆吳立又云吳南海郡有平夷縣蕭子顯州郡志廣州西南二江川源深遠別置督護專征討之江左以其遼遠蕃戚未有居者惟宋隨王誕爲刺史通典獻帝立交州其邊州詔使持節給鼓吹以重威鎮加九錫六佾之舞宋又分置越州領郡三理臨漳梁陳以來廢置混雜不能悉舉

番禺

元和志故城在今廣州番禺縣西南二里開皇十年改

置南海縣

隋志平陳分置番禺縣尋廢入

卽今縣是長安三年於江南

洲上別置番禺縣

其洲周迴約八十里舊唐志番山在州東三百步禺山在北一里貪泉州

西三十里寰宇記沈香浦在今南海縣西北二十里水石門之內吳隱之見妻篋中有沈香一斤投于此水

經注浪水東別逕番禺交州治中合浦姚文式問云何
以名爲番禺答曰城東南偏有水坑陵城倚其上聞此
縣人名之爲番山縣名番禺尙謂番山之禺也吳志孫
皓天璽三年郭馬反殺南海太守劉略逐廣州刺史徐
旗皓遣滕循率萬人從東道討又遣徐陵督陶濬將七
千人從西道命交州牧陶璜部諸郡兵共擊馬晉書滕
循傳未
剋而王師伐吳循率眾赴難至巴丘而皓已降
乃縞素流涕而還詔統任如故委以南方事通鑑元
興二年盧循寇南海攻番禺刺史吳隱之拒守百餘日
循夜襲陷之燒府舍民室俱盡執吳隱之循自稱平南
將軍揖廣州事聚燒骨爲冢葬于洲上得髑髏三萬

餘枚義熙元年遣使貢獻朝廷新定未暇征討以爲廣州刺史循以益智綜遺劉裕裕報以續命湯六年裕還東府大治水軍遣建威將軍孫處振武將軍沈田子帥眾三千自海道襲番禺眾皆以爲海道艱遠必至爲難且分撤見力非目前之急裕不從敕處曰大軍十二月之交必破妖虜卿至時先傾其巢窟使彼走無所歸也盧循兵守廣州者不以海道爲虞十一月庚戌孫處乘海奄至會大霧四面攻之卽日拔其城盧循行收兵至番禺遂圍之孫處拒守二十餘日沈田子言於劉藩曰番禺城雖險固本賊之巢穴今循圍之或有內變若使

賊還據廣州凶勢復振矣夏四月田子引兵救番禺擊
循破之所殺萬餘人循走交州元和志盧循故城在縣
南六里

博羅

州郡志博羅縣二漢皆作博字晉太康地志作博按豫
章歷陵之博陽山漢皆作博後乃爲博據沈志此與前
志皆訛爲博羅博羅之名蓋以會稽之浮山往博羅山
劉昭注亦言之作博者不可通也元和志循州歸善縣
本博羅縣地寰宇記則云龍川縣地舊唐志通典皆云

龍川縣地疑元和志誤也

元和志又云東莞縣漢博羅縣地

中宿

州郡志吳度屬始興郡元和志廣州清遠縣本漢中宿

縣地也梁武帝于此置清遠郡寰宇記隋開皇十九年

改爲清遠

水經注言孫皓分四會北鄉立者誤

龍川

元和志循州興甯海豐河源三縣皆漢龍川縣地龍川

故城在河源縣東北水路百七十五里寰宇記循州龍

川縣舊雷鄉縣劉龔時改今名仍移州龍縣古趙佗城

西接潯南臨泚水

北堂書鈔裴淵南海記云龍川縣傳羅爲東鄉嗇夫有龍潛於川後負嗇

夫升天因以龍川名其地

四會

元和志廣州懷集新會縣皆漢四會縣地

又言四會屬桂林郡非

寰宇記蠶戶新會縣所管生在江海居于舟舩隨潮往來捕魚為業若居平陸死亡即多如江東白水郎也又有盧亭戶捕蠔蠣蛤蜊為業崖山在縣南八十里

揭陽

元和志今潮州即漢揭縣大海在海陽縣東南一百一

十三步

按州郡志晉分南海為東官郡又分東官為義安郡即唐為潮州

增城

元和志本番禺縣地後漢于此置增城縣寰宇記舊唐

志皆云吳黃武中于此置東官郡按州郡志東官郡何志故司鹽都尉晉武帝立為郡

蒼梧郡

州郡志吳分蒼梧為臨賀郡元和志吳黃武五年割蒼

梧置臨賀郡

陳壽志不書此事按赤烏二年志有都督廖式自稱平南將軍殺臨賀太守嚴綱事

是定于大帝時置陳建興甯新二縣屬臨賀郡皆吳立志每每因陋就簡也

建陵吳主屬蒼梧郡何承天志云僑甯南興二縣漢舊

按前後志俱無之是何之妄

廣信

元和志梧州其地為蒼梧郡之廣信縣又梧州戎城縣

本漢廣信縣地梁于此置遂城縣隋爲戎城

按州郡志永初郡國

已有遂城

吳志步騭傳騭爲交州刺史劉表所置蒼梧

太守吳巨陰懷異心外附內違騭降意懷誘請與相見

因斬徇之按步騭始自廣信移治南海番禺水經注浪

水于猛陵左合鬱溪亂流逕廣信縣吳巨旣納騭而後

有悔騭以兵少恐不存立巨有都督區景勇略與巨同

士爲用騭惡之陰使人請巨巨往告景勿詣騭騭請不

已景又往乃于廳事前中庭俱斬以首徇眾卽此也

謝沐

水經注平樂溪水出臨賀郡之謝沐縣南歷山西北流

逕謝沐縣西南至平樂縣東南左會謝沐眾溪派流湊

合

高要

水經注晉書地理志曰縣東去郡五百里刺史夏避毒

徙縣水居也縣有鵠奔亭王氏交廣春秋曰步騭殺吳

巨區景使嚴舟船合兵二萬下取南海蒼梧人衡毅錢

博宿巨部伍興軍逆騭于蒼梧高要峽口兩軍相逢遂

交戰毅與眾投水死者千餘人元和志為元和志端州

平興縣漢高要縣地晉末分置州郡志無平興縣宋熙

則非晉末置沈志又云新甯郡有平興永城縣何徐志有永城無平興當是元嘉前省則平興縣廢已久今按

隋志信安郡有
此縣當是隋置

封陽

水經注臨水西南逕封陽縣東南為封溪水元和志賀

州封陽縣在封水之陽故名吳屬臨賀郡又封州開建

縣本漢封陽縣之地宋文帝分置開建縣州郡志如此

于永嘉三年析置
或是刊本之誤

臨賀

水經注賀水西南流至臨賀郡東右注臨水郡對二水

之交會故郡縣取名元和志賀州桂嶺縣本臨賀縣之

地吳分置建興縣屬臨賀郡開皇十八年改桂嶺在縣

東十五里又富州龍平縣漢臨賀縣地

端溪

通典康州之端溪晉康悅城都城皆竭溪縣地瀧水義

州連城竇州四縣並漢端溪縣地寰宇記康州瀧水縣

隋改龍鄉為瀧水縣按州郡志云龍鄉縣何志無當是元嘉前以龍鄉併端溪也

馮乘

元和志賀州馮乘縣界內有馮溪因以為名吳屬臨賀

郡萌渚嶠在縣北一百三十里即五嶺之第四嶺也按

今馮乘縣與道州江華縣分界于此嶠之上水經注庾

仲初云封水出萌渚嶠

富川

元和志賀州富川縣吳屬臨賀郡又昭州本漢之富川
縣地吳甘露元年分富川縣置平樂縣屬始安郡舊唐
志云昭州漢之荔浦縣地當是界本相連也又云晉置
平樂縣按州郡志及水經注明云吳立劉昫等誤樂史
亦誤沿之

荔浦

元和志縣南有荔平關今廢吳屬始安郡隋改屬桂州
又永豐縣吳甘露元年析荔浦縣之永豐鄉置又建陵
縣本漢荔浦縣地吳置縣

按州郡志
吳屬蒼梧

又蒙州漢之荔浦

縣臥石郡國志云其形如人而舉體青黃隱起或謂之
不人所以祈雨小舉則小雨大舉即大雨又慕化縣本
漢鄧中縣地晉太康元年分吳所置永豐縣置常安縣
于此按潭中當是荔浦之訛潭中自屬鬱林郡非其倫
也 建陵長慶三年以縣有修
仁鄉改為修仁見寰宇記

猛陵

水經注猛陵縣在廣信之西南寰宇記孟陵縣在梧州
北九十里本漢猛陵蕭銑改置孟陵 宋并入
蒼梧縣 通典藤州
潭津縣漢猛陵縣地又龔州武林隋建二縣漢陵縣
地元和志龔州即猛陵縣之地晉分猛陵置永平郡又

爲永平郡之武林縣地州郡志永平郡有武林縣

郡平

州郡志失其舊名

鬱林郡

吳志孫皓鳳皇三年分鬱林爲桂林郡州郡志鬱林郡

吳增立陰平

太康更
名鬱平

新邑建始長平四縣又改領方曰

臨浦又有懷安縣何志云吳改未知先何名桂林郡治

武安縣應是吳立太康元年更名武熙舊唐志吳於中

治縣置鬱林郡仍分中治置桂林縣

布山

元和志龔州大同陽川二縣本漢布山縣地水經注留
水出布山縣逕中留入鬱舊唐志潯州桂平縣漢布山
縣寰宇記廢大賓縣漢布山縣地攷潯州是合浦郡地
蓋以唐初廢入龔州後析龔州重置潯州故指爲布山
縣地北堂書鈔鬱林郡有布山多蛇毒

安廣

阿林

通典潯州宣化縣漢阿林縣地舊唐志繡州常林縣漢
阿林縣地又阿林縣漢舊縣

廣鬱

元和志貴州鬱平縣本漢廣鬱縣吳改爲陰平晉改爲鬱平舊唐志古西甌駱越所居後漢谷永爲鬱林太守降烏滸人十萬開七縣卽此也按事見後漢書西南夷傳然其所云開置七縣者不知是何等縣也又賓州保成縣漢廣鬱縣地又橫州樂山縣本漢廣鬱縣之地通典之甯浦縣漢廣鬱縣地元和志橫州之甯浦爲高涼縣地

中溜

通典象州並漢中溜縣地元和志嚴州本中溜縣地州城南枕大江當桂州往邕州之路

桂林

晉書陶侃傳侃為廣州刺史杜弘遣使偽降侃知其詐

先于封口起發石平按封溪水口也俄而弘率輕兵至侃追擊

破之執劉沈于小桂廣州秀才胡三省曰孫皓分立桂林郡

因謂桂林縣為小桂

潭中

通典柳州並漢潭中縣地元和志融州本潭中縣地寰

宇記潯江在州南三十步亦名柳江通典澄州賀水縣漢潭中縣地

臨塵

水經注朱涯水出臨塵縣東北流驩水注之

定周

增食

水經注温水東逕增食縣文象水注之元和志邕州朗甯縣本漢增食縣地

領方

元和志邕州在漢為領方縣地晉于此置晉興郡州郡志

興郡元帝太興元年立又賓州領方縣本漢舊縣吳改為臨浦縣

又澄州即領方縣地寰宇記邕州圖經云俗尚雞卜及

卵卜提匭狸獠有四色語各別譯而方通又南越志云

陶侃既開此郡貢賦日盛有陶侃碑又按通典鬱林州

平琴州皆鬱林郡地隋志鬱林郡石南縣則唐為鬱林

平琴二州地

合浦郡

吳志黃武七年改合浦爲珠官郡州郡志孫亮復舊名
晉志吳置甯浦郡晉太康地志武帝太康七年改合浦
屬國都尉立州郡志廣州記漢獻帝建安二十三年分
鬱林立甯浦吳錄孫休永安三年分同合浦立爲合浦
北部都尉領平山興道甯浦三縣舊唐志吳分置甯浦
郡晉宋齊不改按吳志永安三年晉紀太康七年無分
置甯浦郡事按呂岱傳岱表分海南三郡爲交州以將
軍戴良爲刺史海東四郡爲廣州岱自爲刺史

士燮傳
爲黃武

五年則自黃武以前交州仍七郡未有分置事廣州記云

建安置者誤也州郡志高涼郡獻帝建安廿三年吳分

立治思平縣吳又立高熙郡當是分高涼郡置晉志吳置高興

郡有海甯縣是吳立晉志交州敘云桓帝分立高興郡

靈帝改曰高涼則又不始于建安以呂岱傳考之是必

漢季設而復省也舊唐志云吳置高涼郡通典吳置高

涼高興其後悉併于高涼則經罷而吳黃武以後復置

耳晉志又云赤烏五年復置珠厓郡徐聞縣屬焉按吳

志是年權遣將軍聶友校尉陸凱以兵三萬討珠厓儋

耳陸凱傳赤烏中除儋耳太守州郡志晉平吳後省朱

厓有珠官朱盧二縣吳立

合浦

元和志欽州卽合浦縣地舊唐志廉州合浦縣漢縣宋

分置臨障郡

州郡志作臨漳通典寰宇記皆爲臨漳以界內漳江名

治于此時西

江督護陳伯紹爲刺史始立州鎮鑿山爲城以威俚獠

又容州北流縣州所治漢合浦縣地縣南三十里有兩

石相對其間闊三十步俗號鬼門關漢伏波將軍馬援

討林邑蠻路由於此

按馬文淵討徵側非林邑此時林邑未有國史傳可證

立碑

石龜尙在昔時趨交趾皆由此關其南尤多瘴癘去者

罕得生還諺曰鬼門關十人九不還其土少鐵以磬石

燒爲器以烹魚鮭北人名五候燹石寰宇記郡國志云
地多瘴氣春爲青草瘴秋爲黃茆瘴通典白州博白等
五縣並漢合浦縣地

徐聞

寰宇記雷州海康縣漢徐聞縣地驚雷山在縣南八里
雷公祠在州西南七里諺云欲拔貧詣徐聞有再熟稻
舊唐志雷州徐聞縣漢末自合浦郡徐聞縣南入海達
珠厓郡卽此劉恂嶺表錄異蜈蚣南越志云大者其皮
可以輓鼓長數丈能啖牛里人或遇之則鳴鼓然火炬
以驅之

高涼

州郡志高涼郡安甯縣吳立通典春州陽春縣漢高涼

縣地又高州為高涼郡寰宇記恩州漢為高涼縣高州

電白縣有洗氏墓馮益村洗氏乳長七尺按洗夫人隋書列女傳高

涼太守馮寶之妻僕之母吳志呂岱傳岱到州高涼賊

帥錢博乞降岱因承制以博為高涼西部都尉

臨允

州郡志何承天志吳度縣屬蒼梧舊唐志新州新興漢

臨元縣寰宇記臨允縣晉穆帝永和七年分蒼梧郡于

此置新甯郡續志作臨元按前志及晉志俱作臨允

朱崖

前志為朱盧州郡志吳立朱盧縣當是經省復置或改

朱崖為朱盧也

寰宇記于瓊州縣云漢潭都苟中紫貝縣地振州云漢臨振縣地攷宋州郡隋

志尚無此名不知其何所本也今按唐之崖州儋州瓊州振州萬安州皆是朱崖之地唐志此五洲皆在大海

中洲

交趾郡

州郡志交趾太守有吳興軍平武甯武安四縣皆吳立

又分麓冷立嘉甯縣晉志新昌郡吳置吳志孫皓建衡

二年分交趾為新昌郡舊唐志云吳分交趾置新興郡

晉改為新昌按吳志本是新昌則劉昫等誤

陳景雲曰交趾鬱林

二郡皆逸戶口之數攷建武中馬援既平爲封溪望海
二縣時西子一縣已有三萬二千合餘縣計之戶口交
陞請分西子縣之繁
必甲嶺表諸郡矣

龍編

州郡志交陞刺史治龍編建安十六年徙治南海番禺
及分爲廣州治番禺交州還治龍編水經注龍淵縣故
城建安二十三年立州之始蛟龍蟠編于南北二津故
改龍淵以龍編爲名按前志已見龍編縣謬說元和志交州故城在
縣東十四里吳時刺史陶璜所築朱鷺江在縣北卽櫟
榆水之一源通鑑義熙七年盧循爲沈田子所破循襲
破合浦徑向交州刺史杜慧度帥州府文武吏拒循于

石碕破之循餘眾猶三千人晨至龍編南津慧度悉散
家財以賞軍士與循合戰擲雉尾炬焚其艦以步兵夾
岸射之循眾艦俱然兵眾大潰自投于水慧度取其尸
斬之

羸樓

舊唐志漢交阯郡守治羸樓後漢周敞爲交阯太守乃
移治龍編元和志羸樓故城在安南都護府宋平縣西
七十五里寰宇記交州交阯縣漢之羸樓縣又南定縣
漢羸樓縣地

定安

前志晉志俱爲安定水經注安定縣北帶長江江中有
越王所鑄銅船潮水退時人有見之者隔水有泥黎言
阿育王所築

苟漏

晉書葛洪傳聞交阯出丹砂求爲句漏令

麓泠

元和志峯州漢之麓泠縣吳置新昌郡于此水經注朱
鳶雒將子名詩索麓泠雒將女名徵側爲妻側爲人有
膽勇將詩起賊攻破州郡服諸雒將皆屬徵側爲王治
麓泠縣

曲陽

北帶

稽徐

西于

馬援傳西于縣戶有三萬二千賢曰西于縣故城在交

州龍編縣東

朱戴

通典安南府朱鳶縣吳軍平縣地按吳志建衡三年諸
將破扶巖置武平郡州志吳立吳定縣元和志安南府
武平平道二縣本扶巖夷地吳時開爲武平郡立平道

縣屬之按水經注交州外域記曰交趾郡界有扶巖究

在郡之北隔渡一江

元和志云朱鳶縣漢舊縣未分曉

封溪

舊唐志安南府平道武平二縣本漢封溪縣地南越志交趾之地最為膏腴舊有君長曰雒王其佐曰雒侯土地有雒田其田從潮水上下民墾食其田為雒民後蜀王子將兵三萬討雒王滅之以其子為安陽王治交趾其國地在今平道縣東

望海

馬援傳援奏分西于為封溪望海二縣水經注馬援以

西南治遠路逕千里分置斯縣

九真郡

州郡志吳分九真置九德郡有陽成九德越常三縣吳立舊唐志吳分日南置九德郡晉書陶璜傳孫皓拜璜爲交州牧武平九德新昌土地阻險璜征討開置三郡及其九真屬國三十餘縣

胥浦

前志有都龐餘發二縣吳增建初常樂武甯二縣見州郡志

居風

州郡志吳更名移風元和志愛州九真縣本漢居風縣

吳改爲移風又分置常樂開皇十六年改爲安順縣又軍

甯縣本漢都龐縣晉分爲軍安縣寰宇記鑿口卽馬
援開石道處馬援鑿九真山卽石爲隄以遏海波

咸權

元和志吳天紀二年分九真之咸權縣置九德郡開皇

十八年改爲驩州寰宇記驩州懷驩縣漢爲咸驩縣交

州記云陶璜築城于土穴中得一物白色形如蠶蛹無

頭長數丈大十圍蠕蠕能動割腹肉如豬脂遂以爲臙

香美璜啖一杯于是三軍皆食水經注咸權縣已南麀

麀滿岡鳴咆命儔警嘯聒野孔雀飛翔蔽日籠山渡治

口至九德按晉書地道記有九德縣交州外域記曰九德縣屬九真郡在郡之南與日南接蠻盧蠻居其地死于寶綱代孫黨服從吳化定爲九德郡又爲隸之如鄺氏所據則漢末先有九德縣也

無功

前志功作切水經注建武十九年十月馬援南入九真至無功縣賊渠降進入餘發渠帥朱伯奔郡深林巨藪犀象所聚羣牛數千頭時見象數十百爲羣援又分兵入無編縣至居風縣帥不降並斬級數十百九真乃靖

無編

元和志濱州龍池縣按舊唐志後廢入驩州本漢無編縣地蓋夷

獠所附免其徭役故以無編為名云後漢省者誤

日南郡

州郡志吳省水經注太康三年省日南屬國都尉盧容

縣置日南郡則吳時省郡而置屬國也按水經注吳赤烏十一年交州

與林邑大戰初失區粟其郡省當在是時

西卷

唐地志皆云安南府宋平縣為西卷縣地計道里闊遠

漢之日南久陷荒服蓋非也水經注盧容水與壽冷水

合東逕區粟故南古志並無區粟之目林邑記曰西卷

縣城去林邑步道四百餘里交州外域記曰從日南郡南去到林邑國四百餘里準逕相符然則城故西捲縣也林邑兵器戰具悉在區粟區粟建八尺表日影度南八寸自此影以南在日之南故以名郡望北辰星落在天際日在北故開北向日此其大較也

朱吾

舊唐志景州貞觀二年寄治驩州南略後亦廢有朱吾縣此僑立名也水經注林邑記曰朱吾以南有文狼人野居無室宅依樹止宿食生魚肉採香爲業縣南有文狼究下流逕通地道記曰縣去郡二百里此縣民漢時

不堪二千石長吏調求引屈都乾爲國林邑記曰屈都夷也

盧容

水經注郡去盧容浦口二百里永和五年征西桓温遣督護滕駿率交廣兵伐范文于舊日南之盧容縣爲文

所敗卽是處也

南史林邑國傳范文本西卷縣夷帥范幼家奴王范逸死脅國人自立

象林

水經注温公浦西卽林邑都也治典冲去海岸四十里林邑之號建國起自漢末初平之亂人懷異心象林功曹姓區有子名達攻其縣殺令自號爲王值世亂離林

邑遂立吳有交土與之鄰接進侵壽洽以爲疆界又云魏正

始九年林邑進侵至壽洽縣以爲疆界是吳已西去廣

有此縣州郡志言太康十年分西卷立者非也州二千五百里和帝紀永元十四年初置象林將兵長

日南郡又有將兵司馬去羅陽九千六百三十里

後漢書疏證卷三十

浙江書局刊

鄒寶德校

高培森校

吳士鎔校